

332 *nam. 4. vers. Hic verò fuit scriptura, ff. de donat. dicit epistolam loqui cum eo, ad quem mittitur: quamobrem si licet excommunicatum alloqui in pertinentibus ad salutem animæ & alia verba interponere, ut est casus in dist. cap. Cum voluntate. Ergo etiam licet ad eum litteras mittere cum salutatione. Et quidem hoc de plano procedit, si sequamur opinionem Innocentii in d. c. Cum voluntate, in princ. in verb. Incidenter, existimantem licitum esse excommunicatum alloqui conversionis causâ & alia verba interferere, etiam si verba hujusmodi nec ad absolutionem, nec ad salutem faciant, nam & verba superflua stipulationem non vitiant, l. Quæ extrinsecus, ff. de verb. obligat. secundum Host. & Joan. Andr. hic, n. 2. & Butr. num. 11. in fine, sed et si sequamur opinionem Hostiensis, n. 2. in eodem ver. requirentis ut talia verba aliquo modo, licet non principaliter, proficiant ad salutem, nihilominus talia videtur salutatio, quia benevolentiam capiat; & sic disponit, ut ex familiaritate salutis verba facilius recipiantur, ut considerat D. Thom. in 4. sent. dist. 18. qu. 2. art. 4. in corpore: alioquin verendum esset ne debitor insalutatus, ac veluti contemptus & correctionis acrimonia exasperatus obstinatio fieret; ad hoc c. Cum beatus, 45. dist. hic, Asperitatis autem nimia increpatio nec correctionem recipit, nec salutem & Conc. Trid. in c. 1. sess. 13. hic: Cum sapi erga corrigendos agat benevolentia, quam asperitas, &c. Ob quam rationem, ut inquit Host. loco cit. alioquin excommunicatum in tendentibus ad salutem, non ut illi favoreat, sed ut eum magis attrahat poterit etiam dicere verba placentia & ostendere signa dilectionis quam ad ipsum & ejus genus habuit, undè non apparet cur etiam non possit salutationem*

interferere, & cum Host. transeunt ibidem Joan. Ande. n. 2. in eod. verb. Butr. n. 11. & Card. n. 2. Neque verò hoc casu vigent rationes cur excommunicati salutari non debeant, quarum superius meminimus num. 3. quandoquidem rationes hujusmodi vendicant sibi locum si salutatio fiat principaliter, secus si incidenter, ut salutatio verba apud eum magis proficiant, ut in dict. cap. Cum voluntate, & in c. Cum excommunicato 11. qu. 3. & in c. Responso, infra eod. Et eodem modo responderi potest ad doctrinam Host. & gloss. hic, ut supra ponderatam pro contraria parte, quia debet intelligi si salutatio sit nuda & simplex, secus si admixta cum verbis ad salutem pertinentibus, ut in iuribus præallegatis. Quin imò Petr. de Anchar. in d. c. Cum voluntate, in 2. notat. 3. (Si quis, inquit, principaliter ad hoc tendit, ut excommunicatum ad penitentiam reducat verbis perfunctivis, si cum tali locutione immisceat incidenter potum vel comestionem in mensa, vel cum eo cohabitabit principaliter ad finem conversionis, talis non incidit in Canonem.) Ad quod inducit principium illius Decretalis. Cum voluntate & proposito, &c. Item quia hæc incidenter eveniunt & per consequens non curantur, ut hic: illa enim que incidunt, nec ad absolutionem faciunt, nec ad salutem: puta quærit de uxore & liberis ad dilectionem, quam habuit erga illius genus & his similia: ad hoc l. Quæ extrinsecus ff. de verb. obligat. si ergo secundum Anchar. incidenter licet cum excommunicato participare etiam cohabitatione ad finem conversionis, longè magis licet salutem dicere, arg. c. Ex parte il terço, de dec.



DE SENTENTIA EXCOMMUNICATIONIS

Idem Innocentius III. Ferraren. Episcopo.

CAPUT XLIII.

Responso nostro postulas edoceri, an cum Ferrar. cives excommunicationis & interdicti sententiis sint ligati, liceat tibi viros & mulieres semel in hebdomada, vel in mense, apud aliquam Ecclesiam convocare, quibus prædices verbum Dei, & eosdem ad correctionem inducas. Super quo respondemus, quod sine serupulo conscientie hoc facere poteris, cum videris expedire: dummodò contra formam interdicti nullum eis divinum officium celebretur. Præterea quævisisti, cum Ferrar. civitas sit interdicta supposita, & idè sint ibidem (præter baptismi parvulorum, & penitentias morientium) universa sacramenta Ecclesiastica interdicta, an liceat tibi baptizatos pueros in frontibus consignare. Super quo respondemus, quod sicut baptizari possunt pueri, sic & baptizati ad confirmationem in frontibus a te possunt sacro chrismate deliniri.

SUMMARIUM.

- 1 Excommunicatis, & interdictis prædicari potest verbum Dei.
- 2 Excommunicati licet possint Ecclesiam ingredi, dummodò officium non audiant.
- 3 Excommunicatus permittendus est per Ecclesiam transire.
- 4 Excommunicato Missam audiente extra Ecclesiam Sacerdos cessare debet, nisi inceperit Canonem.
- 5 Orare licet in Ecclesia, in qua excommunicatus existit non orandi causa.
- 6 Excommunicatis licitum est communicare ad finem, ut ad penitentiam reducantur.
- 7 Excommunicatus sine oculis, sive manifestus nullo tempore debet Ecclesiam, nisi ad audiendam prædicationem verbi Dei.
- 8 Ecclesia quid sit.
- 9 Excommunicationis gladius nervus est Ecclesiastica disciplina, ac si contemnatur, perniciem potius parit, quam salutem.
- 10 Excommunicatio est medicinalis non mortalis.
- 11 Excommunicatis non denunciatis, nec publicis Clericorum percussoribus non liceat Ecclesiam ingredi post Constitutionem Concilii Constantiensis.
- 12 Excommunicati minore excommunicatione Ecclesiam intrare non prohibentur.
- 13 Divinorum appellatione an veniat prædicatione verbi Dei, & n. seqq. usque ad n. 22.
- 14 Prædicatione verbi Dei non est actus Ordinis sacri, & demandari potest etiam Clerico in sacris non constituto & n. 19.
- 15 Non tamen mere laico & n. 19.
- 16 Prædicatione

- 16 Prædicatione verbi Dei non incumbit ex officio nisi Episcopo, & Parochio.
- 17 Monachus etiam Diaconus, vel Sacerdos de jure communi prædicare non potest sine licentia Episcopi vel Curati.
- 18 Episcopus etiam non consecratus, & Parochus non Sacerdos tenetur prædicare populo verbum Dei.
- 20 Suspensus à divinis non intelligitur suspensus à prædicationis officio nec à converso.
- 21 Suspensus à divinis celebrando officium irregularis, secus in suspensio ab officio prædicationis.
- 22 Intellectus Clem. Quamvis de foro compet.
- 23 Interdicti tempore administrari possunt Baptismi, & Confirmationis Sacramenta etiam adultis & n. 27.
- 24 Item Sacramenta Penitentiae etiam Janit.
- 25 Viaticum decedentibus non denegatur.
- 26 Eucharistia Janis non conceditur.
- 27 Confirmatio est complementum Baptismi, & ante eam quis non dicitur plene Christianus.
- 28 Interdicti tempore permittitur Chrismatis consecratio in die Censæ Domini, & consecratio olei baptizandorum.
- 29 Extrema Unctio denegatur.
- 30 Et quid de Ordine & Matrimonio ibidem remissive.
- 31 Civis unius civitatis omnes, & simul possunt non tantum interdicti, sed etiam excommunicari.
- 32 Universitas an excommunicari possit & n. seqq. usque in fin.
- 33 Universitas undè dicta.
- 34 Quid sit.
- 35 Et quot homines faciant universitatem.
- 36 Universitatis nomen quid veniat.
- 37 Communitas quid sit.
- 38 Collegium quid, & in quo differat ab universitate.
- 39 Episcopus cum Capitulo faciunt unum corpus.
- 40 Excommunicationis pena quam gravis sit.
- 41 Excommunicatus traditur Diabolo corporaliter & spiritaliter.
- 42 Interdicti quis potest pro peccatis alienis, sed non excommunicari & n. seqq. & n. 51.
- 43 Regnum interdictum pro peccatis Regis, civitas pro peccatis Episcopi, vel Domini, & Monasterium pro peccatis Abbatis.
- 44 Universitas ex more sacrorum Canonum interdictum, singulares persone excommunicantur.
- 45 Excommunicantur in Bulla Censæ omnes, & singuli apertantes ad futurum Concilium; universitates verò, & Collegia interdicuntur.
- 46 Officiales laici relegantur personas Ecclesiasticas excommunicantur ab Urbano VI. eorumque civitates, & terra supponuntur Ecclesiastico interdicto.
- 47 Consules mercatorum non faciunt Collegium.
- 48 Legatos & Nuncios Apostolicos impediunt excommunicantur, & eorum regna, & terra interdicuntur.
- 49 Lucana civitas, & dominium interdicuntur, Vexillifer Antiani, & Officiales nuntiantur excommunicati ob violatam libertatem Ecclesiasticam.
- 50 Princeps, & multitudo non est excommunicanda. Declaratur ibidem.
- 51 Multitudo etiam notorii peccati rei excommunicari non debet. Declaratur n. 57.
- 52 Universitas excommunicari non posse qui autores sentierint.
- 53 Universitas, & Capitulum de jure veteri poterant excommunicari.
- 54 Intellectus c. Si autem vobis, 11. q. 3.
- 55 Populum quot homines faciant.
- 56 Universitas duplex.
- 57 Intellectus c. Romana, §. In universitatem, de sentent. excomm. lib. 6. & n. 72. 79. 80. 84. & seq. & n. 94. & 109.
- 58 Multitudo an, & quando excommunicari possit.
- 59 Multitudo peccantium parochianum error non parit.
- 60 Multitudini an sit parcendum, qui numerus requiratur.
- 61 Universitas dupliciter accipitur & n. 72.
- 62 Universitas prout est quid abstractum à singularibus personis nulla auctoritate excommunicari potest & n. seq. usque ad n. 72.
- 63 Universitas, Communitas, Societas, Collegium seu Capitulum dicuntur unum, non simpliciter, sed aggregativè.
- 64 Gregem faciunt decem oves.
- 65 Collegium, & universitas non dicitur persona vera, sed ficta, & representata carens anima, & Baptismo, & n. seq.
- 66 Excommunicatio non ligat nisi personam veram, & n. 69.
- 67 Actus activorum sunt in patiente bene disposito.
- 68 Excommunicatione non ligatur nisi persona rationalis, & baptizata.

- 68 Universitas res non sunt singularum, neque à converso, Anima singularum non sunt universitatis ibid.
- 69 Actus, & possessiones prout consistunt in factis sunt singularum, non universitatis & n. 81.
- 70 Excommunicatione ut quis ligetur quasi qualitates habere debet.
- 71 Universitas ut est quid præstans à singularibus personis, non est capax interdicti.
- 72 Excommunicare universitatem, vel omnes de universitate non differunt. Declaratur n. 89.
- 73 Interdictum corporis in materia cujus corpus non est capax, respicit singulos.
- 74 Capitulum est nomen intellectuale, & res incorporabilis, & nihil facere potest nisi per membra sua.
- 75 Universitas, Collegium, vel Senatus an possint per Papam excommunicari & n. seqq. usque ad n. 79.
- 76 Papa prædecessorum suorum Constitutionibus non ligatur, tam ex defectu voluntatis, quam potestatis & n. 77.
- 78 Hieronymus, & Augustinus contra auctoritatem Papæ sententiam suam non deservunt.
- 79 Universitas, vel Collegium an ab inferioribus à Papa excommunicari valeat & n. seqq. usque ad n. 88.
- 80 Prohibito nunquam fit generaliter ad cautelam eorum, quæ possunt contingere.
- 81 Communitas non præsumitur ita tota ad malum consentire, quin aliqui sint dissentientes.
- 82 Justus cum impio non est condemnandus.
- 83 Episcopi non possunt Sedis Apostolicæ decreta in totum vel in partem convellere vel mutare.
- 84 Excommunicari possunt ab Episcopo Priores, & omnes de universitate mandatis ejus rebelles.
- 85 Collegii major pars, si delinquat, Collegium ipsam dicitur deliquisse.
- 86 Capituli alia est causa, alia Canonorum.
- 87 Canonici singulares citati, etiam si fuerint contumaces, non possunt excommunicari pro capitulo non comparente, ubi decreta sunt citatio contra Decanum & Capitulum.
- 88 Excommunicatio lata à Papa in universitatem an valeat.
- 89 Et an liget innocuos.
- 90 Et quid in foro poli.
- 91 Infantes excommunicationis sententia ligari non possunt & n. 109.
- 92 Ecclesia non potest per excommunicationem excludere à Regno Dei nisi indignos, qui per peccatum mortale charitatem amiserint.
- 93 Excommunicatio lata in universitatem ab inferioribus à Papa an liget, & timenda sit, & n. seq. usque in finem.
- 94 Penitus prohibere quid importet & n. 105.
- 95 Excommunicatio lata in universitatem non potest referri ad singulos & n. seqq.
- 96 Contrarium n. 106. & seqq.
- 97 Capitulum excommunicato an censentur excommunicati successores.
- 98 Genere existente incapaci non fit distributio, vel diffusio in ejus species. Contrarium n. 111.
- 99 Sententia lata contra privilegium non tenet & n. 115.
- 100 Potentia est de genere honorum.
- 101 Excommunicatio, sive justa, sive injusta timenda est, & n. 112. & seqq.
- 102 Si lata sit ab Ordinario, & in talen, qui quamvis sine culpa, tamen culpam committere potuit.
- 103 Excommunicationis sententia contra Canonis prohibicionem tenet, si feratur ab Ordinario, secus si à Delegato.
- 104 Gestis contra prohibitionem legis non procedentis ad irrationem actus an & quando sint nulla & n. 112.
- 105 Opinio tunc ex præcepto eligenda est inter opinionem utrinque probabilem, ubi veritatis salubris periculum.
- 106 Sententia lata à non suo iudice est ipso jure nulla.
- 107 Universitas nihil aliud est, quam singuli homines, qui hic sunt.
- 108 Excommunicatus Capitulum censetur excommunicasse singulos & n. seqq.
- 109 Actus, qui non potest applicari universitati, applicatur singularibus personis.
- 110 Excommunicatio generaliter lata in universitatem referri non potest nisi ad capaces excommunicationis.
- 111 Dispositio quantumcumque generalis recipit restrictionem de habitate & possibilitate.
- 112 Excommunicatio in suffraganeos lata ab Officialibus Archiepiscopi, qui de facili potest haberi, ligat, quamvis ferri non debeat.
- 113 Excommunicatio lata ab Episcopo non servata forma c. 3. sess. 25. Concil. Trid. valida est, licet sit injusta.











